

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik


Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Broj: 10/E-11-4436/22
Sarajevo: 01-08-2022 godine

Na osnovu člana 69. stav (2), tačka d), člana 70. stav (1), (4) i (6) Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", br. 23/04), na prijedlog Komisije za nabavku roba, usluga i radova I, imenovana Rješenjem broj: 10-45-1838/22 od 22.02.2022. godine i broj: 10-45-1838-1/22 od 24.03.2022.godine, u daljem tekstu: Komisija I, a u vezi pokrenutog postupka javne nabavke ruksaka i školskog pribora za učenike prvog razreda osnovnih škola, putem konkurentskog zahtjeva za dostavu ponuda, uz primjenu e-aukcije, Opštinski načelnik d o n o s i:

O D L U K U **o poništenju postupka javne nabavke**

I

Poništava se postupak javne nabavke nabavke ruksaka i školskog pribora za učenike prvog razreda osnovnih škola, putem konkurentskog zahtjeva za dostavu ponuda, uz primjenu e-aukcije, Obavještenje o nabavci broj: 848-7-1-127-3-64/22 od 12.7.2022.godine i Ispravka Obavještenja o nabavci broj: 848-7-1-127-8-75/22 od 20.7.2022.godine, iz razloga što nije dostavljena nijedna prihvatljiva ponuda.

II

Ova Odluka objavit će se na web stranici Općine Centar, www.centar.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak javne nabavke ruksaka i školskog pribora za učenike prvog razreda osnovnih škola, pokrenut je Posebnom odlukom o pokretanju postupka javne nabavke broj: 10/E-11-4436/22 od 30.06.2022.godine, putem konkurentskog zahtjeva za dostavu ponuda, uz primjenu e-aukcije, Obavještenje o nabavci broj: 848-7-1-127-3-64/22 od 12.7.2022.godine i Ispravka Obavještenja o nabavci broj: 848-7-1-127-8-75/22 od 20.7.2022.godine.

Procijenjena vrijednost javne nabavke bez PDV-a iznosi 34.188,00 KM. Komisija I je dostavila Zapisnik o pregledu i ocjeni ponuda od 29.7.2022.godine, uz preporuku da se postupak poništi za predmetnu nabavku. Naime, u predviđenom roku za dostavu ponuda (29.7.2022.godine do 10,00 h) svoje ponude su dostavili ponuđači „ROBOT GENERAL TRADING CO“ d.o.o. Sarajevo i „DEFTER-KOMERC“ d.o.o. Sarajevo, dok je ponuda ponuđača „GRAFOTISAK“ d.o.o. Grude dostavljena kao neblagovremena, odnosno dostavljena iza predviđenog roka za prijem ponuda (29.7.2022.g. u 12:26 h). Ponuda ponuđača „GRAFOTISAK“ d.o.o. Grude će biti vraćena neotvorena putem pošte, u skladu sa važećim zakonskim i podzakonskim propisima. U daljem postupku provjere formalno-pravne ispravnosti ponuda, Komisija I je konstatovala sljedeće: Ponuđač „**ROBOT GENERAL TRADING CO**“ d.o.o. Sarajevo u svojoj ponudi nije dostavio tražene dokaze o ispunjavanju uslova tenderske dokumentacije i to za tačku koja glasi: **IV PODACI O PONUDI:2) Način izrade ponude:** *Ponuđači snose sve troškove u vezi sa pripremom i dostavljanjem njihove ponude. Pri pripremi ponude ponuđač se mora pridržavati zahtjeva i uslova iz tenderske dokumentacije. Original ponuda treba biti otkucana ili napisana neizbrisivom tintom. Ponuda se izrađuje na način da čini cjelinu. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova. Ponuda se čvrsto uvezuje na način da se onemogućiti naknadno vađenje ili umetanje listova. Ponuda mora biti čvrsto uvezana i sve strane ponude numerisane, parafirane ili potpisane od osobe, odnosno osoba koje su ovlaštene da zastupaju dobavljača.*

Pod čvrstim uvezom se podrazumijeva da ponude moraju biti uvezane/ukoričene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom dobavljača a u svrhu izbjegavanja manipulisanja stranicama ponude. Ukoliko ponuda ne bude čvrsto uvezana i numerisana na gore navedeni". Ponuđač „**ROBOT GENERAL TRADING CO**“ d.o.o. Sarajevo nije dostavio ponudu uvezanu na način kako je navedeno u tački 2) Način izrade ponude, odnosno ista nije osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom dobavljača, a u svrhu izbjegavanja manipulisanja stranicama ponude. Ponuđač „**DEFTER-KOMERC**“ d.o.o. Sarajevo nije dostavio tražene dokaze o ispunjavanju uslova tenderske dokumentacije i to za tačku koja glasi: „**1.4. Tehnička i profesionalna sposobnost – član 48.- 51. Zakona: tehnički list proizvođača ili distributera za stavku 1. i 2.**“ Ponuđač „**DEFTER-KOMERC**“ d.o.o. Sarajevo nije dostavio traženi dokaz u skladu sa tačkom 1.4. b) tenderske dokumentacije. U skladu sa navedenim, utvrđeno je da nijedna ponuda nije prihvatljiva, čime su se stekli zakonski uslovi za poništenje postupka za nabavku ruksaka i školskog pribora za učenike prvog razreda osnovnih škola.

Iz navedenih razloga, primjenom člana 69. stav (2) tačka d) Zakona o javnim nabavkama, Komisija I dostavlja opštinskom načelniku

PREPORUKU O PONIŠTENJU POSTUPKA

javne nabavke ruksaka i školskog pribora za učenike prvog razreda osnovnih škola, obzirom da u postupku nije dostavljena nijedna prihvatljiva ponuda.

Općinski načelnik je prihvatio preporuku Komisije I, te nije našao razloge niti nepravilnosti u radu Komisije koji bi eventualno bili osnov za neprihvatanje preporuke Komisije, o čemu je donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH/Filijala Mostar, putem ugovornog organa (Općina Centar Sarajevo), najkasnije u roku od 10 (deset) dana od dana prijema iste.



OPŠTINSKI NAČELNIK

Srdan Mandić

Prilog: Zapisnik o pregledu i ocjeni ponuda
broj: 10/E-11-4436/22 od 29.07.2022.godine

DOSTAVITI:

1. „ROBOT GENERAL TRADING CO“ d.o.o. Sarajevo
Ul. Rajlovačka cesta br. 41 71 000 Sarajevo
2. „DEFTER-KOMERC“ d.o.o. Sarajevo
Ul. Azize Šaćirbegović bb 71 000 Sarajevo
3. Službi za obrazovanje, društvene djelatnosti, kulturu i sport
4. Kabinetu općinskog načelnika – Odsjeku za javne nabavke
5. Evidenciji